

26 JAN 1999

PANGLIMA TENTERA CHINA MENGUNJUNGI DR MAHATHIR

KUALA LUMPUR, 26 Jan (Bernama) -- Panglima Tentera Pembebasan Rakyat China Jen. Fu Quanyou melakukan kunjungan hormat kepada Perdana Menteri Datuk Seri Dr Mahathir Mohamad di sini, hari ini.

Pertemuan di Jabatan Perdana Menteri itu mengambil masa lebih kurang 25 minit.

Fu berada di Malaysia bagi lawatan rasmi lima hari bertujuan menggalakkan persefahaman, meningkatkan persahabatan serta kerjasama dua hala antara kedua-dua negara.

Semalam, Fu mengunjungi Menteri Pertahanan Datuk Abang Abu Bakar Mustapha dan Panglima Angkatan Tentera Jen Datuk Seri Mohd Zahidi Zainuddin.

Fu juga dijangka melawat pangkalan tentera udara di Butterworth dan Kuching, dan kem Sungai Udang di Melaka.

-- BERNAMA

MAM PR